


№ 2006
4662

1937



«ҰЛЫ ҚАЗАҚСТАР»



ҰЛТЫҢ
ҰЛЫ
ҰСТАЗЫ



Ақан ашқан қазақ мектебі, Ақан түрлөген ана тілі Ақан салған әдебиеттегі елшілдік ұраны - “Қырық мысал”, “Маса”, “Қазақ” газетінің 1916 жылдағы қан жылаған қазақ баласына істеген еңбегі, әнер-білім, саясат жолындағы қажымаған қайраты, біз ұмытсак та, тарих ұмытпайтын істер... Ақан - еңбегі жанған жаның бірі. Истеген ісінің жемісі – артынан келе жатқан жастар... Оның арты Ақан мектебіне тізіліп кіріп жатқан жас буын...

Қаламынан тағын болудан айны-
майды...”

ЭУЕЗОВ МҰХТАР

**ҚАЗАҚСТАН РЕСПУБЛИКАСЫ БІЛМ ЖӘНЕ ФЫЛЫМ
МИНИСТРЛІГІ**

ОРТАЛЫҚ ФЫЛЫМИ КИТАПХАНА

**“ҰЛЫ ТҮЛҒАЛАР”
ФЫЛЫМИ-БИОГРАФИЯЛЫҚ СЕРИЯ**

ҰЛТТЫҢ ҰЛЫ ҰСТАЗЫ

(Халқының көрнекті қорам қайраткері,ғалым, ағартушы
Ахмет Вайтұрсыновқа арналады)

АЛМАТЫ 2001

ББК 83.3+78.5 Қаз.

Ұ-43

Ұлттың ұлы ұстазы: Халқымыздың көрнекті қоғам
қайраткері, ғалым, ағартушы Ахмет Байтұрсыновқа
арналады / Құраст. В.К. Күзембаева.- Алматы: Орталық
ғылыми кітапхана, 2001.- 316 бет, суретті.- “Ұлы
тұлғалар” ғылыми-биографиялық серия.

ISBN 9965-473+16-1

ББК 83.3+78.5 Қаз.

Бас редактор

Қазақстан Республикасы Ұлттық Ғылым
академиясының корреспондент мүшесі
Рәбіға Сыздықова

Жауапты редактор

К.К. Әбуғалиева

Редакция алқасының мүшелері:

Л.Д. Эбенова

Т.В. Вдовухина

К.Н. Нұрбекова

Құрастыруышы

В.К. Күзембаева


4405000000

Ұ-----

00(05)01

ISBN 9965-473+16-1

**© Күзембаева В.К.
құрастыруышы, 2001**



ҚҰРМЕТТІ ОҚЫРМАН!

Ғылым Академиясының Орталық ғылыми кітапханасы 2001 жылдан бастап “Ұлы тұлғалар” атты арнайы ғылыми-биографиялық серия ашып отыр. Ондағы мақсат – халқымыздың үлттық зиялышарын, елеусіз қалған есіл ерлерімізді қалың көпшілікке насхаттау.

Откен тарихымызды бүрмалаусыз, тұра қорытудың бірден бір жолы, халқымыздың болашағы үшін бар ғұмырын құресте өткізген арыстарымыздың артында қалдырған рухани мұрасын оқырманның, әсіресе жас үрпактың қолына жеткізу болса керек.

Міне, сондыктан да біртуар азаматтарымыздың өмірі мен халық үшін атқарған қызметін жан-жақты, терең зерттеу, олардың әрқайсысын халық арасында жеткізу – бүгінгі күн тәртібінде тұрған көкейтесті мөселе деп білеміз.

Бұл еңбек – XX ғасырдың басындағы ірі саяси тұлға, көрнекті қоғам қайраткері, аса ірі әдебиет теоретигі, ғұлама түрколог, жаңа қазақ тілі білімінің негізін қалаушы Ахмет Байтұрсыновқа арналып отыр. Жинаққа Байтұрсыновтың таңдамалы еңбектері мен ол туралы зерттеулер енгізілді.

Қазақтың қараңғы түнін жарық қылған санауды жүлдіздарымыздың бірі - Ахмет Байтұрсынов.

Ахмет Байтұрсынов – қазақ халқының әлеуметтік өмірі мен мәдениетіне аянбай адал қызмет еткен ірі қайраткер, үлкен талант иесі, тарихта орны айрықша зор тұлға.

Әрбір көзі ашық адамға А. Байтұрсыновтың кім екенін таныту үшін осы сөздерде жеткілікті болар еді. Дегенмен, сәл анығырақ айтсақ, А. Байтұрсынов ағартушы ғалым болу үшін елеулі еңбектер атқарып, мемлекет қайраткерлігіне жету үшін қын да күрделі жолдардан өтті. 1905 жылы педагогикалық училищені бітірген А. Байтұрсынов Қазақстанның әр түрлі облыстарынан мектептер ашып, ұстаздық қызмет етті, жатпай-тұрмай еңбек етіп, қайткенде қазақ халқының көзін ашуға, санасын оятуға барын салды. Яғни, Үбырай Алтынсариннің

қазакты сауатсыздықтан құртқару үшін қалаған сара жолын әрі қарай жалғады.

А. Байтұрсынов – XX ғасырдың басында демократиялық бағыттағы зиялыштардың көшін бастаушылардың бірі, сондай-ақ Алаш партиясы мен Алаш автономиясын құруда басты рольді атқарушылардың бірегейі болды десек артық айтқанымыз болмас.

Қазақ халқының мәндай жарқырап өзге елдермен қатар болуы үшін ең алдымен оқу-ағарту ісін аяғына қою керек екендігін түсінген А. Байтұрсыновтың осы оқу-ағарту идеясы – қоғамдық қызметінің арқауы, азаматтық борышының негізі болып табылды. Әрине, А. Байтұрсыновтың еңбегі жаңып, арманы орындалды десек әбден болады

Бір сөзben айтқанда, ол өзінің барлық саналы ғұмырын қазақ қоғамында білім мен ғылымның дамуына, ағартушылық ісіне ариады.

Ғылыми-биографиялық серияның “Көмекші көрсеткіштер” бөлімінде Ахмет Байтұрсыновтың өмірі мен шығармашылық еңбегін сипаттайтын мәліметтер әліпbi тәртібімен орналасқан: әуелі қазақ тілінде, содан соң орыс тілінде берілген, оның өз еңбектері хронологиялық ретпен әр жылдың ішінде әліпbi бойынша орналасқан.

Кітаптың соңында еңбектердің алфавиттік және есімдер көрсеткіші, бірлесіп жазған авторлар көрсеткіштеріне еніп отырған материал мен есім атауларының тұсындағы цифrlар, олардың өмірі мен шығармашылық еңбегін сипаттайтын және хронологиялық көрсеткіштерінің тұсындағы рет тәртібін білдіреді.

“Ұлы тұлғалар” атты серия оқырман қауымның талап-тілегінен шығады деген оймен ұсынып отырған жинақ туралы ой-пікірлерінізді, ұсыныстарыңызды мына мекен-жайға хабарласулатыңызды сұраймыз: 480100

Алматы қаласы

Шевченко көшесі 28

Орталық ғылыми кітапхана

Тел: (3272) 93-02-19

Факс (3272) 93-02-60

АЛҒЫ СӨЗ

Қазақстан Республикасы ғылым академиясының Орталық ғылыми кітапханасы дайындаған, “Ұлы тұлғалар” деген атпен ұсынылатын ғылыми-биографиялық серияның басылымдары негізінен қалың қырымадан жүртшылығына арналады. Мұнда казак халқының азаттығы мен елдігі үшін күресіп, мәдениеті мен рухани дүниесінің дамуына, өнері мен білім-ғылымының қалыптасып, өркендеуіне XX ғасырдың басынан бастап қызмет еткен халқымыздың ұлы перзенттерінің өмір жолы мен шығармашылығын баяндап, өздерінің де кейбір туындыларын қоса беріп, шығармаларының библиографиялық көрсеткішін ұсыну көзделіп отыр.

Бұл серияны көрнекті ғалым, ірі қоғам қайраткері, үлкен ағартушы Ахмет Байтұрсынұлына арналған кітаппен бастағалы отырмыз.

Ахмет Байтұрсынұлы – Әлихан Бекейханов, Елдес Омаров, Міржақып Дулатов, Мағжан Жұмабаев, Мұхамеджан Тынышбаев, Мұстафа Шокай, Сәкен Сейфуллин, Мұхтар Әузов, Смағұл Сәдуақасов сияқты замандастарының және кейінгі зерттеушілердің танымы бойынша “қазак жұртының оқыған азаматтарының тұңғышы”, XX ғасырдың қазак зиялыштарының арасынан “халқының намысын жыртып, ұлттық арын жоқтап шыққан”, казак халқының алғашқы көсемі”, сонымен қатар “бұгінгі қазак ғылымының көгенбасы”.

Бұл кітапта А. Байтұрсынұлының өмірі мен қызметін және шығармашылығын әңгіме еткен 5-6 мақала берілді. Олардың ішінде Ахандар ақталған бойда, яғни 1989-1991 жылдарда жарияланған Р.Сыздықованың (Ахмет Байтұрсынов.-“Қазак өдебиеті”, 6 январь 1989), Б. Койшыбаевтың (Көзқарас эволюциясы. - Кітап: Зауал, 1991) мақалаларында бірактар терминдердің, ай аттарының сол тұстағы қолданыстары бойынша берілгенін, сондай-ақ әлі айқындалып болмаған кейбір деректердің орын алғанын ескертеміз. Бұл мақалаларды беруіміздің бір себебі – оларда А. Байтұрсынұлы жайындағы мағлұматтар мен оның еңбектері туралы таным-түсініктеріміз

бірнеше ұзак жылдардан кейін (1930-1988 жылдар аралығын есептесек) ең алғаш ұсынылған болатын. Сондықтан Ахмет Байтұрсынұлының қоғам қайраткері ретіндегі тенденсі жоқ қызметі мен қалдырылған мол мұрасын халқымыздың қайтарылғаннан кейінгі он жылдан астам уақыттың ішінде зерттеп тануымыздың тарихын, көзқарастарымыз бен пайымдауларымыздың эволюциясын көрсету үшін қажет деп есептедік.

А. Байтұрсыновтың өмірі мен қызметі туралы берілген макалалардың жарияланған көзі (газет, журнал, жинақ аттары, жылы, беттері) көрсетілді.

Бұл кітапта А. Байтұрсынұлының өз қаламынан шыққан бірқатар материалдар да ұсынылды, олардың да бұдан бұрын жарияланған орындары, жылдары көрсетілді. Оның ішінде екі мақала А. Байтұрсынұлының “Ақ жол”, “Тіл тағылымы” сияқты үлкен жинақтарында жоқ, кейін табылып, әзірге журнал беттерінде орын алған.

“Қосымша” деп аталған бөлімі қалың оқырман үшін де, А. Байтұрсынов мұрасын зерттейтін, пайдаланатын ғалымдар мен студенттер үшін де өте қажет, күнды материал болады деп ойлаймыз. “Қосымшада” А. Байтұрсынұлының өмірі мен қызметінің негізгі кезеңдерін көрсеткен материал еңбектерінің хронологиялық және алфавиттік көрсеткіштері Ахаңның өмірі мен еңбектері туралы әдебиеттің көрсеткіші, көрсеткішті құрастыруға пайдаланылған әдебиеттер мен журналдардың тізімі берілді.

Кітаптың танымдық куаты мол, ұлағаты ұшан-теніз.

СЫЗДЫҚОВА Рәбіға,
филология ғылымдарының докторы,
Қазақстан Республикасы Ұлттық
Ғылым академиясының корреспондент
мүшесі

ҚОҒАМ ҚАЙРАТКЕРІ А. БАЙТҰРСЫНОВ ӨМІРІ МЕН ҚЫЗМЕТИНІҢ НЕГІЗГІ КЕЗЕҢДЕРІ

А. Байтұрсынов 1873 жылы 25 қаңтарда қазіргі Қостанай облысы Торғай атырабындағы Сарытүбек деген жерде дүниеге келді.

1886-91 жылдары Торғай қаласындағы екі сыйыптық орыс-қазак училищесінде оқиды.

1895 жылы Орынбордағы мұғалімдер мектебінде оқып, білім алады.

1895 жылдан Актөбе, Қостанай және Қарқаралы өнірлерінде бала оқытып, өділет үшін куреске араласа бастайды.

1905 жылы 26-маусымда Ахмет Байтұрсынов және біраз қазақ оқығандары Қоянды жәрменкесінде бас қосып, Петербордағы кіндік үкіметке қазақ халқының атынан петиция (арыз-тілек) жібереді.

1909 жылы шілде айында патша үкіметі тыңшыларының жаласымен Семей абақтысына алынып, сотсыз, үкімсіз сегіз ай бойы қамауда жатады. Ақыры Қазақстанда тұру құқығынан айрылады. 1909 жылы Петербургте “Қырық мысал” кітабы басылып шығады.

1910 жылы наурыз айында Орынбор қаласына келеді.

1911 жылы Орынборда “Маса” атты өлеңдер және аударма мысалдар жинағы басылады.

1913-1918 жылдар – Ахмет Байтұрсынов Орынборда шығып тұрған “Қазак” газетінің редакторы.

1918-1919 жылдың басы – Ахмет Байтұрсынов Алаш қозғалысының алғы шебінде.


1919 жылдың наурыз айында – бұрынғы ұлт зиялышарының көптеген өкілдерін өзімен бірге алғып, Кенес үкіметі жағына өтеді. Қазак өлкесін басқару жөніндегі өскери-революциялық комитеттің мүшесі.

1920-1926 жылдары – Бүкілодактық Орталық Атқару Комитетінің мүшесі, Қазақстан Академиялық Орталығының жетекшісі, Ташкент, Алматы жоғары оку орындарында профессор болып қызмет атқарады. 1926 жылы Ташкентте “Әдебиет танытқыш” кітабы басылып шықты.

1929-1934 жылдары – Архангельск облысында айдауда болып, Е. Пешкованың көмегімен босатылып, Алматыға оралды.

1937 жылы 8 қазанда қайтадан тұтқынға алынып, репрессия құрбаны болды.

Ахмет Байтұрсынов толық актау туралы Қазақ КСР Жоғарғы Сотының қаулысы 1988 жылы 4 қарашада шықты.



АХМЕТ БАЙТҰРСЫНҰЛЫ (1873-1938 жж.)

Үлкен ағартушы, ірі ғалым-лингвист, қоғам қайраткері. Сарытубек деген жерде, қазіргі Торғай облысы, Жанкелдин ауданында 1873 жылы 25 январьда туған. Тоғыз жасынан бастап ауыл мектебінде, кейіннен Торғайдағы екі сиынптық орыс-қазақ училищесінде оқыды. Одан соң Орынбордағы мұғалімдер мектебіне түсіп, оны 1895 жылы бітіреді. 1895-1909 ж. Ақтөбе, Костанай және Қарқаралы уездеріндегі мектептерде, орыс-қазақ училищелерінде мұғалім болып қызмет атқарады.

Патша өкіметінің отаршылық саясатына қарсы құресті тым ерте бастаған Ахмет Байтұрсынұлы осы үшін 1909 жылы Семей түрмесіне қамалады. Кейін қазақ жерінен тыскары жерлерге жер аударуға үкім шығарылып, ұзак жылдар бойы “саяси сенімсіз” адам ретінде патшалық құзет қызметінің бақылауында болды.

1913 жылдан бастап “Қазак” атты апталық газет үйымдастырып, 1917 жылдың қыркүйегіне дейін оның редакторы болады. Ол қазақ мемлекетін қалпына келтіру үшін құрескен “Алаш” партиясы көсемдерінің бірі ретінде де белгілі. Қазан төңкерісінің женісінен кейін А. Байтұрсынұлы біраз уақыт алашордашылар қатарында қалды, ал 1919 жылы бірқатар ғалым-зиялышарымен бірге Кенес өкіметі жағына өтуге мәжбүр болды. Осы жылдың маусым айында Ахмет Байтұрсынұлы Қазақ өлкесін басқару жөніндегі өскери революциялық комитеттің (ВРК) мүшесі болып сайланады. 1922-1925 ж. Халық ағарту комиссариатына қарасты ғылыми-әдеби комиссияның тәрағасы болды, Халық ағарту комиссары болып сайланды, Бүкілреспейлік Орталық Атқару Комитетінің Қазақ Орталық Атқару Комитетінің мүшесі болып жұмыс істеді, одан соң Түркістан Компартиясы Орталық Комитетінің газеті “Ақ жолда” енбек етті. 1925-1929 ж. Қазак халық ағарту институтында дәріс оқыды, сабак берді.

Ахмет Байтұрсынұлы қазак әдебиеті мен сөз өнерінің дамуына айрықша еңбек сіңірді. 1909 және 1911 жылдары оның көпке белгілі “Қырық мысал” және “Маса” жинақтары жарияланды. Ахан халықтық көркем сөз өнерінің корын жинаушы, зерттеп, бастыруши ретінде де көптеген құнды жұмыстар істеді. Ол 1923 жылы жарияланған “Ер Сайын” эпостық жырының кіріспе мақаласын және түсіндірмесін жазды, сондай-ақ “Жоқтау” деп аталатын жинақ (1926), “Әдебиет танытқыш” деп аталатын оку құралын шығарды. Соңғы еңбек - әдебиеттің тарихы мен теориясы туралы қазак тіліндегі тұнғыш көлемді де толымды еңбек.

Ахан қазак балаларын ана тілінде оқыту ісіне арнап тұнғыш оқулықтар жазды. Олардың арасында: “Оку құралы”(1912), “Тіл құралы” (1914), “Әліпби” (1914), “Жана әліппе” (1926-1928) және “Баяншы”(1926) деп аталатын әдістемелік оку құралдары балаларды оқыту ісі барысында маңызды рөл аткарды. Бүкіл бір халықтың ұлттық тілін түрлеп, әдебиетін жасап, ғылымын жетілдіріп, қоғамдық санасын қалыптастырып, ойын ояткан Ахан секілді алып тұлғалар сирек.

XX ғасырдың 30-жылдары қазак зиялыштарын жаппай күғіндаудың басталғаны мәлім. Сталиндік жазалау машинасының кармағына іліккендердің бірі де А. Байтұрсынұлы болды. 1938 жылы ол өуелі тұтқындалып, кейіннен атылды.

1988 жылы акталды.

Ахмет Байтұрсынұлы XX ғасырдың басындағы қазак зиялыштарының үркердегі жарқыраған жарқын шоғырының келбетті өкілдерінің бірі. Оның өмірі өз халқына деген, елжүртшының мәдениеті мен әдет-ғұрпына деген айнымас махаббатың айқын үлгісі.

Казактар.- Алматы: Қазақстан даму институты, 1998.- Т. 2.
Тарихи тұлғалар.- 146-148 б.

ТАҢДАМАЛЫ ЕҢБЕКТЕРІ

КАЛАМ ҚАЙРАТКЕРЛЕРІНІҢ ЖАЙЫНАН

Орынборға шақырған қазақ қайраткерлерінің съезі адам аз келгендейтін съезд есебінде болмай, кішкентай ғана кеңес түрінде болып өткені озған номерлерінде жазылды. Орынборда отырғандар, о жак, бұ җактан кез келгендер болмаса, съезге елден адам келіп жарытпады: үш-ақ кісі келді. Съезге атын атап шақырған адамдар да келмеді.

Келмеу себептерін түрлі жоруға болады.

Келмеулеріне бір жағынан жол қаражатына қаржы жоқтығы себеп болған шығар; екінші жағынан Жұсілбек жолдас сияқты керексіз съезд деушілік те себеп болған шығар: үшінші жағынан, қазақ қайраткерлерінің Орынбор қаласынан қараңғы үйден жаман қашатындығы да себеп болған шығар: төртінші жағынан, өзгеріс уақытында қайрат жолы өзгеріп, қарқын беті қайтқаны себеп болған шығар. Бұл көп “шығардың” ішінде көбінен себеп болатын соңғы екі “шығар”.

Съезге келуге ынталы адамдар болса қаржы да табылады, керексіз съезд деп те айтпайды. Мұның бұлай болуы келуге ынталы адамдар болмағандықтан, Орынборды көруге табиғаты шаппағандықтан болып отырған хал. Бұрын Орынбор қазактың пікір құбылысындағы болған заманда, съез түгіл жайда Орынборға келіп, бас қосып, қазақтың қамын ойласып, қайғысына дауа қарасытырып қайтатын ел азаматтары енді еріншектік етіп келмей отыр деуге болмайды. Мұның мәнісін әрірек, тереніректен іздеу керек.

Қазақ қалам қайраткерлері қайдан туған, қашан шыккан деп сұрау қойылса, жауап қын емес.

1) Қазақ қалам қайраткерлері орыстың қорлық көрген, таяқ жеген, орыстың табанында езілген жұрттан туған.

2) Қазақ қалам қайраткерлері қазақ басына қын = қыстау зар заман түсіп, үстін торлап, қайғы бұлты қалтаған шакта шықкан.

Құл болған халықтан туып, құлдықтың қорлық, зорлығын көріп отырып, қазақ қалам қайраткерлері қаламын ұлтының ауырын женілту, ауырын азайту жолына жұмсамасқа мүмкін

емес: кемшілік, көрген жүрттан туып, кемшіліктен құтқаруды мақсат етіп, ылғи сол жолда жұмыс қылған қазақ қалам қайраткерлері жүртшыл, ұлтшыл, яғни халқына жаны аштын, халқының жаны ауырғанда жаны бірге күйзелетін, бауырмал болмасқа тағы мүмкін емес. Олай болмаған болмаса, онда табиғат заңының тыскары, адамнан шошқа, шошқадан күшік туған сияқты болып шығады.

Қазақ баласын ұлтым, жүртым, бауырым деп үйреніп қалған қазақтың бауырмал қалам қайраткерлері октябрь өзгерісі болғанда бірден интернационал (бибауырмал) болып өзгере алмады, өзгелердей “альмсақтан бері” коммунист, интернационалист едім деп айтуға аузы бара алмады. Сондықтан бибауырмалдық жолға қызмет қылып, басшылық қыла алмады. Бауырмалдық жолында қаламмен қайрат етуін бибауырмалдық жолындағы үкімет хош көрмейтін болды. Сөйтіп, қазақ қалам қайраткерлерінің халінде дағдарыс болып, өзгерістен бұрынғы қарқындары қайтып, тартынқырап қалды. Сол қайткан қарқын әлі күнге кайта келіп жеткен жоқ. Бұрынғы қалам қайраткерлерінің бәрі де өзгерістен кейін қалам қайратына әлі белсеніп онша кіріскең жоқ.

Бұл айтылған себептің үстіне жамалған екінші себеп болды. Ол Қазақстанға ұлық болған адамдардың лағу –тәңкеріс болса істің бәрі өзінен өзі істеліп, өзінен өзі өзгеріп кететіндей көруі. Қалыпты өзгертетін адамның ісі, яғни жұмсайтын күші, қайраты, ісі, білімі екендігін ойламады. Тәңкеріс болды, патша үкіметінің орнына совет үкіметі орнықты: қазақты билеген, патшаның оң қолы болған чиновниктер қалып, олардың орнына совет үкіметінің оң қолы болып коммунистер қазақты билейтін болды. Елдің тәбесі өзгерді, тәресі өзгерді. Онан былайғысын өзгертуге көп күш, көп іс, түрлі еңбек, қайрат керек, яғни істей білетін түрлі адамдар керек.

Қазақтың оқығаны аз, оның ішінде халық ісіне қатысып, жүрт үшін жұмыс қылған адамдар өте аз. Бірақ аз да болса, қазақта қызмет қылып ысылған, тәселген адамдар, қазақтың ісіне қатыспақ түгіл қарасын көрмеген, атын есітпеген жат жүрттың адамдарынан гөрі, қазаққа көбірек пайда келтіретіні шексіз.

Ескі үкімет тұсында, қазактың басына қаптаған қара бұлттай қалың пәле торлаған заманда, жұрт үшін, ұлт үшін қызмет қылған, киналған адамдарға “жұртшыл”, “ұлтшыл” деген таңба басылып, олар қораға жолатпайтын қотыр мал сияқты шетке шығарылып, әлеумет жұмысынан аулақ ұсталды. Қазаққа жаны ашып, қазақ сөзін сөйлеген адам болса, оны ұлтшыл деп әдепсіздік еткен сиырдай қылатын болды.

Төбелеске шығатын адам сияқты, төсін ұрып, тұлданып “Жасасын бибауырмалдық!” - деген қазақ болса, қошемет айтып, қол шапалақтап, төбесіне көтеретін болды. Қазактың көрген қорлығын, зорлығын айтатын адам болса, ауызға қағып сөйлетпейтін болды. Қазақ өзгеріс үшін құрбан болса, несі құрайды деуші болса, арқаға қағып, дұрыс пікір осы дейді. Солай болып тұрғанда қазактың жұртшыл, ұлтшыл, бауырмал қалам қайраткерлері қалайша белсеніп, қалам қайратына кіріспек ? Қалайша қаламды қолға алуға көнілі шауып, ықыласы түспек ?

Қалам қайраткері – жолын тастап, көрінген жолаушыға ере беретін бұралқы ит емес. Бауырмал болып қалған қазақ қалам қайраткерлері, я бояумен түсін өзгертіп, я түленмен түгін өзгертіп бибауырмал болмаса, нақ ішін өзгертіп бибауырмал бола алмайды. Жалғыз қалам қайраткерлері емес, қазаққа жаны ашитын, басқа азаматтар да қазактың басқалардан көрген кемшілігін айтпай тұра алмайды. Оны айтып отыrsa, бауырмал деген сөзден құтыла алмайды. Солай болған соң, я бауырмал деген сөзден қашып, бибауырмал үкіметтің ыңғайымен болып, қазакты басқалар пісіріп жесін, шикі жесін ұн демей қарап отыру керек: не бауырмал деген сөзді басқалар ауыр мағына да айтса да, қазақ азаматтары ауырламай; қазактың сөзін қаймықпай сөйлеуі керек. Енді осыған жеттік.

Қазақ деп ауызға алмай, не болса о болсын, қараға қостық, не көрсе көппен бірге көрер деп отыруға болар еді, егерде қазақ мәдениеті қасындағы халықтармен бірдей болса. Қазақ қасындағы халықтар: орыс, неміс, ноғай, жәуіт, ғайрилар.

Бұлардың бәрінің де мәдениеті қазақ мәдениетінен жоғары. Мәдениеті жоғары халық – мәдениеті тәмен халықты аз-көбіне қарамай жем қылатыны айдан анық, күндей жарық

акиқат. 200 миллион үнді халқын 50 миллион ағылшын жем кылышп отырғаны, 500 миллион Қытайды өзінен он есе аз жүрттар әжуалап отырғаны – адам баласының тенденгі = кемдігі мәдениетіне қарай екендігін ыспаттайтын.

Казак мәдениеті жәуіт, неміс, орыс, хатта ноғай мәдениетіндегі болса да, “қазак” “қазак” деп айыра сөйлеп, ауыз ауыртып, әуре болмай-ақ, көппен бірдей көрер деп қояр едік. Казак айрықша сөз болатын халі айрықша болатындыктан.

Казак мәдениеті қасындағы жұрттардан кем екенін біле тұра, мәдениеті кем халық мәдениеті зор халыққа жем екенін біле тұра, қазакты жемтік есебінде жей бер деп қазак азаматтары тастай ала ма? Оны қазак азаматтары істей алмайды. Оны істей алмаса, бауырмал деген сөзден құтыла алмайды. Олай болса, бауырмал десін, қазақшыл десін, ұлтшыл десін, оған құлақ ауыртып ауырламасқа керек.

Казак қасындағы жұрттардың қатарына жетіп теңелуіне керек ісімізді колға алғып, қанаттамасақ, қазак күнін қараң қылатын бибауырмалдық адам арасына жік салады, бауыр керек емес, “жасасын бибауырмалдық!” деп айқайлағанмен адам баласының арасындағы күр айқаймен жоғалатын көрінбейді. Мәдениет жігін жоғалтпай өз жігін жоғалту оңай жұмыс емес. Бұл айқайдың колынан келмейтін іс екендігіне көз жетті.

Алдымен бауырмалдық жігін жоғалту керек деп адасқандар адаса берсін, қазак азаматтары мәдениет жігін жою жолындағы жұмыска күшін, ісін сарпету керек. Басқалармен мәдениеті теңеліп, жарыса, жармаса күнелтүге қазак жеткен күні, қазакты қасындағылар қыңсылатуын қояды, қазак азаматтарының казак үшін айрықша қайғыруы, қаны қызуы жоғалады, бауырмалдық өзінен өзі жоғалады.

Мәдениет алға басуы тірнек ісі шеберленуімен, сана-санылау күшеюімен болады. Тірнек ісінен шыққан шеберлікті өнер дейміз, сана = санылау күшінен шыққан білімді ғылым дейміз. Бұл екеуі де іштен адаммен бірге туатын нәрсе емес, үйренумен табылатын нәрсе. Үйрепу дегеніміз – оку. Сойтіп, мәдениет жүзінде халықтың алға басуы, алдағы жұрт пен

арттағы жұрт арасындағы мәдениет жігі жоғалуы окуға келіп тіреледі.

Қазакта оку ісі қалам қайраткерлеріне қарап тұрғаны, олар не істеуге керектігі өткен номерлерде басылған съезге арналған мәселелерде айтылды. Мұнда айтайын дегеніміз: қалам қайраткерлерінің бас қосып бақыршылығын сөйлесуі. Қалам қайраткерлерін июнь съезіне “топалаң уақытындағы той” емес, топалаң келмеуіне амал қаастырайық деген ой еді.

Съезд июньде болмады деп қою керек емес, июньнен басқа да айлар, күндер көп, әлі де болса бас қосып сөйлесу, қалам қайраткерлерінің үйымын жасау керек. Жазушыларымыз бытыранды болмай, үйымдасып, бірлесіп іс істесе, бәлкім істері берекелі, өнімді болар. Өзгеріс болғанымен өзгермей тұрған қазакта қалып көп, қашаннан бері қазак ішіне сіңіп, орнығып қалған қалыпты өзгерту онды нәрсе емес. Бас өзгерді, бастық өзгерді, төре өзгерді, басқасы әлі қарап тұр. Қазак көрген қорлық пен зорлық көбеймесе, кеміген жок. Жеуге женіл тұрғанды жеу – табиғи іс. Тіске жұмсак болған соң, қай уақытта да жеуге қазак женіл болып тұратыны мағлұм. Қазакты бұрын жегендері әлі де жеп отыр, бұрын зорлық қылғандары әлі де зорлық қылып отыр. Өзгеріс кімге жағымды, кімге жағымсыз болып шыққаны көзі бар адамдар көрерлік, есі бар адамдар білерлік болды. Өзгерістің негізі тартыс, талас болған соң тіршілікке қайым біткен қайраттыларға, күн көруге ептілерге, дүние жиょға күмар адамдарға жағымды болғанымен, момындарға, ак көңіл, анайы, анқауларға жағымсыз болғаны шексіз.

Ақкөңілділік, анайылық анқаулық табиғаттан да болады, тәрбиеден де болады, яғни мәдениет жоғары-төмендігінен де болады. Көбінесе мәдениеті төмен жұрт ақ көңіл, анайы, анқау келеді. Сондыктан да мәдениет жоғары жүртпен араласқан жерде алдауына, арбауына түсіп жем болады. Қазақ жеріндегі халық көбінесе қазак пен орыс. Қазақ мәдениеті орыстан кем болған соң жем болатыны шексіз. Ол жем болудан мәдениеті жетілгенше құтылмайды. Қазақ жем болудан түбінде декрет қуатымен құтылмайды, мәдениет қуатымен құтылады.

Үкімет тарапынан қазақтың қазіргі күтетін көмегі – мәдениеті жетілгенше басқалардың зорлығынан қорғау, мәдениеті көтерілуіне қолдан келген жәрдемін аямау. Солай болған соң қазақ үкіметі құр декретін көбейтумен бола бермей, қазақтың мәдениетін күшету жағына көз салып, көбірек күшін жұмсау керек.

Мәдениет күшейеді өнер-білім күшімен, өнер-білім күшейеді оқумен. Оку ісі сабактас әдебиетпен. Оку әдебиетті күшетеді, әдебиет окуды күшетеді. Оку мен әдебиет бірін-бірі қолдап, бірін-бірі көтермелеп, бірін-бірі сүйрейді. Оқусыз әдебиеттің күні жоқ, әдебиетсіз окудың күні жоқ, қазақта оку да, әдебиет те жаңа ғана көктеп көзге ілінген күйде тұр. Оның өсіп, ұлкейіп, гүлденуі үшін көп іс, көп күш керек. Сол көп істі қолынан келгенше істейтін, сол көп күш шамасынан келгенше сарп ететін қазақ қалам қайраткерлері.

Ол қалам қайраткерлері бұл күнде өз жұмысында емес, өзге жұмыста жұр. Оларды өзге жұмыстан алыш, өз жұмысына салу қазақ үкіметінің міндеті: қалам қайраткерлерінің жұмысы - әдебиет, әдебиетсіз оку қуаттану жоқ, оқусыз мәдениет қуаттану жоқ, мәдениет қуаттанбай қазақ қорлықтан, зорлықтан құтылу жоқ. Орыстан қазақтың көріп отырған отаршылығы, омыраулығы қазақ мәдениеті орыс мәдениетінен төмен болғандықтан. Азаттық асылы мәдениетте, мәдениет күшеюінің тетігі оку мен әдебиетте (“Еңбекші қазақ” №29.08. 07. 1922).

Дайындаған Тұрсынбек Кәкішұлы

Егемен Қазақстан.- 2000.- 5 қаңтар.

БАСТАУЫШ МЕКТЕП

Қазақ бастауыш мектебі қандай боларға керек? Бұл туралы ашылып пікір айтылған жоқ. Петербургта болатын мұсылман кеңесінде мектеп мәселелері қаралмақшы, оған қазақтан баратын адамдар қазакқа қандай мектеп керек екендігін біліп барада тиіс. Сондықтан “Қазақ” өз пікірін айтып, жүрт құлағына салмақшы.

Осы кезде қазақ балалары оқуды екі түрлі бастап жүр. Біреулері оқуды ауылдағы мектептен бастайды, екіншілері ел ішіндегі орыс школасынан бастайды. Солай болған соң, қазақтың қазіргі бастауыш мектептері осылар дейміз. Қазақ бастауыш мектебі қандай болу керек деген мәселені шешерден бұрын, осы күнгі тұтынып отырған бастауыш мектептердің жарамды, жарамсыздығын тексеріп, соナン соң керек мектебіне түрлі болу жайын сөйлеу тиіс.

Әуелі, ауыл мектебінен басталық. Осы күнгі ауыл мектептерін мектеп деп айтارлық емес. Оқуға керек құрал жоқ, оқыта білетін мұғалімдер аз. Сонда да қазақша хат білушілердің проценті мұжықтардан жоғары. Осы күнгі тек хат жаза білетін қазақтардан бастап, газета, журнал, кітап шығарып жатқандарымыздың бәрі де сондай мектептен оқып, хат танып, жазу үйреніп шыққандар. Мұнан көрінеді: осы күнгі мектептер осыншама жайсыз, күйсіз қалыбында халық арасына оқу, жазуды мұжықтар арасынан ғөрі көбірек жайып жатқаны, бұл мектептің халыққа жақындығы, балалар білімді ана тілімен үйренгендігі.

Алайық енді орыс школаларын. Қазақ арасындағы орыс школалары ауылнай, волосной екі классты школалар. Бұлардан бітіргендер ілгері оқымаса, онда жоқ болып, шала оқумен қалады. Елде бір-екі жыл тұрса, оқығанның көбінен айырылып, оқымағандармен бірдей болып, оқыған еңбек бос кеткен есебінде қалады. Бұл күнде екі классты школа бітіргендерден ауылнай учитель, писарь болып жүргендері бар екені рас, бірақ бастауыш мектепте үйренетін білім жүртттың бәріне тегіс керек

білім ғой. Адамға тіл, құлак, қол қандай керек болса, бастауыш мектепте үйренетін білімдер де сондай керек. Осы заманда хат білмеген адамның күйі тіл я құлағы, я қолы жоқ адамның күйімен бірдей; мунан булай хат білудің жеректігі онан да аспакшы. Бастауыш мектептен оқығандар писарь, учитель, фельдшер, адвокат, содия, инженер, агроном болар демей, ең өуелі, қазақша толық хат білетін дәрежеде болуын көздеу керек. Екінші, бастауыш мектептен үйренген білім әрі оқимын дегендеге негіз боларлық жағын көздеу керек. Егерде бастауыш мектептен оқып шыққандар ілгері оқымай, үйінде қалса, ұлт әдебиеті мен матбуғатының мүлкін пайдаланаrlық даражалы біліммен қалсын. Әрі оқимын деген халде, мұсылмандық оқыса, бастауыш мектеп оқуы артқы окудың негізі болуға жарасын; орысша оқыса, орысша үйренудің жыныстын жәнілтерлік демеу қәм негіз болуға жарасын.

Жоғарыда айтылған қазақ ішіндегі осы күнгі екі түрлі бастауыш мектептің екеуі де көнілдегі мектептердің түрінен табылмайтын мектептер. Бірінде оқуға керек құрал жоқ, тәртіп жоқ, мөлшер жоқ, жоспар жоқ. Халық окуды керек қылғандықтан жаманда болса “жоғынан бары артық” дегенмен істеліп отырған іс. Екіншісінде, яғни орысша школаларда тәртіп те бар, құралдар да сай, мөлшер, жоспар бәрі де бар. Бірақ, сонысына қарай пайдасы аз. Олардың пайдасын кемітіп отырған бір-ақ нәрсе: қазақты орысқа аударамыз деген пікір бәрін бұлдіріп отырған. Сол школалар арқылы қазақ тілін жоғалтып, орыс тіліне түсіреміз дейді, қазақ тұтынып отырған араб әрпін застатьш, орыс әрпін алдырамыз дейді. Сол үшін өуелі, балалар ана тілімен оқымай, орыс тілімен оқысын, ана тілімен оқыса да орыс әрпімен оқысын дейді. Соның үшін біреулері ана тілінде оқыған аты болу үшін қазақ тілінде орыс әрпі басылған кітаптардан бастап оқытып, әрірек барған соң кілен орысшаға түспек керек дейді. Бұлар еппен қайырмалаушылардың жолы. Біреулері еп-септі қойып, бірден орысша оқыту керек дейді.

Өткен жыл 14-нші июньде патша жарлығы бойынша шыққан правилада Россиядағы бөтен текті жүргіттардың мектебінде бастапқы екі жыл ана тілінде оқылсын деген. Ол

правилаға Оқу министрі қол қойған. Оның бер жағында Қазан округінде бір инспектор попечительге жазған: учительдер чуваш балаларын чуваш әліппесімен оқытпай, бірден орыс әліппесімен оқытқанды оңай көреді деп. Оны попечитель министрге жеткізген. Министр енді жазып отыр: чуваш мектебінде орыс әліппесінен бастап оқытқанды бек ұнаттым, бек келісті іс екен деп. Сүйтіп, чуваш балаларын чуваш тілімен һәм чуваш әліппесімен оқытпай, бірден орыс тілімен, орыс әліппесімен оқытуға министр батасын беріп отыр. Бастапқы екі жылда ана тілімен оқытуға тиіс деген правилаға қол қоюшы да министр, онан кейін ана тілімен оқытпай, бірден орыс тілімен оқытуды ұнатушы да министр. Бұл екі қағаздың қайсысы іске асып, колдануда болмақшы? Қайсысы хұқіметке жағымды болса, сонысы іске аспақшы. Хұқіметке жағымдысы қол астындағы жұрттың жазу-сызуы, тілі, діні бір болу. Россия қол астында түрлі тілді, түрлі дінді, түрлі жазу-сызуды тұтынып отырған жұрттар бар. Солардың бәрі тілін, дінін, жазу-сызуын орысқа аударса, хұқіметке онан артық ұнамды іс болмас. Сондықтан 14-нші июньде министр қол қойған правиланы 16-ншы ноябрьде министрдің жазған қағазы жеңбекші. Ондай правилалар іске аспай қалу үшін, бір миссионер инспектор жазса болғаны: өз әліппесімен, ана тілімен оқытып отырсак, қай уақытта жазу-сызу, тілі жоғалады? Тегі, бөтен жұрттар тілінен, жазу-сызуларынан айырылып, орыспен бірдей болып сіңісу үшін, бірден орыс тілімен оқыту керек деп. Бастапқы кезде ана тілімен оқыту тиіс деген сөз 1906-ншы жылғы 31-нші март правиласында да бар еді. Осы күнге шейін ауылнай, волосной, екі класты бастауыш мектептерде қазақ әліппесімен қазақша басталып оқылғаны еш жерде естілмейді. Себебі не? Правила бойынша қазақ тілі мен қазақ әрпінен бастап оқыт деп отырған балалардың ата-анасы жоқ. Халықтың өз тілімен, өз әрпімен оқығанын әкімдер жактырмайтын болған соң, учительдер өз беттерінен ана тілімен, ұлт әрпінен бастап оқытамыз дей қоймайды. Сөйтіп, правила қағаз жүзінде бар болса, іс жүзінде жоқ. Бұл айтылғаның бәрі де хұқімет өз пайдасын көздегендіктен істеліп тұрган істер. Бастауыш мектептер жалғыз хұқімет пайдасы үшін болмай, халық

пайдасы үшін де боларға керек. Хұқіметке керегі мемлекеттегі жұрттың бәрі бір тілде, бір дінде, бір жазуда болу, әр халыққа керегі өз діні, тілі, жазуы сакталу. Солай болған соң бастауыш мектеп, өуелі, миссионерлік пікірден, политикадан алыс боларға керек, яғни қазақтың діні, тілі, жазуы сүмдік пікір сүйк қолдан тыныш боларға керек. Қазақ дінге нашар қүйден өткен, енді қазақты басқа дінге аударамын деу құр өурешілік. Қазақты діннен айыруға болмаса, жазуынан да айыру болмайтын жұмыс. Араб әрпі ислам дінімен бірге келіп қазаққа орнаған. Дінмен байласқан жазу дін жоғалмай, жоғалмайды. Қазақта газета, журнал, кітаптар жоқ кезінде жоғалмаған тіл, газета, журналы шығып, кітаптары басылып, жылдан-жылға ілгері басып келе жатқанда қазақ тілі жоғалмас.

Олай болса, мектеп арқылы қазақтың дінін, тілін, жазуын жоғалтып, орысшаға аударамын деген пікірден хұқімет безіп, тиісті бастауыш мектеп екі жакқа да зиянсыз, пайдалы болуын көздеу [керек]. Солай ойлағанда көнілге ұнамды мектептің түрі біздің ойымызша мынау: бастауыш мектептер оқуы қазақ үшін 5 жылдық боларға [тиіс]. Өуелгі үш жылда балалар кілең қазақша оқу [керек]. Соңғы екі жылда кілең орысша оқу [керек]. Мұжық жөнімен қала болған қазақтар бар, қазақ ретімен қала болатын қазақтар да болар. Қыстаулары жиын қазақтар да бар, қыстаулары сирек қазақтар да бар. Солардың бәріне бастауыш мектеп қолайлы болуға тиіс. Бәрінің де оқыын деген балалары мектеп жағынан қолайсыздық болып, оқи алмай қалатын болмасқа тиіс. Соңдықтан, өуелі қазақ бастауыш мектебі екіге бөлінерге: келіп оқитын, жатып оқитын мектептер. Келіп оқитын мектептер қала болған, яғни қыстауы жиын жерлерде болу, жатып оқитын мектептер әлі сирек отырған жерлерде болу [керек].

Екінші, қыр мектебі һәм қала мектебі болып бөлінерге. Қыр мектебі - ауыл мектебі, волос мектебі болып, о да екіге бөлінерге, ауыл мектебінде кілең қазақ тілінен оқылатын үш жыл оқу оқыларға, қалған кілең орысша оқылатын екі жыл волос мектебінде оқыларға [тиіс]. Волос мектебінде ауыл мектебінде бітіргендер алынарға [тиіс]. Қала мектебі қаланың үлкендігіне қарай үш жылдық, бес жылдық оқулы боларға